

Or. 168. 17

Ve  
101

# Widmung so Her- zogk Ernst Chur-

furst vn̄ hertzog Albrecht tzu  
Sachsen gebruder ꝛc. von  
wegen mächerley gebre-  
chen inn Landen  
Aufgericht.

20  
1482.



[Leipzig Melchior Lotter 1526]  
[vgl. G. W. Bd. 8 S. 68]

Faint, illegible text at the top of the page, possibly a title or header.

Second line of faint, illegible text.

Third line of faint, illegible text.

Fourth line of faint, illegible text.

Fifth line of faint, illegible text.

Sixth line of faint, illegible text.

Seventh line of faint, illegible text.

Faint text or stamp located in the lower-middle section of the page.



**W**

On gots gnaden wir Ernst/  
des heyligē Romischen Reia  
chs / Ertzmarschalch Eburz  
furst / vnd Albrecht gebrüder  
Hertzogen zu sachssen / Lād  
graffen in Düringen / vnd  
Margtgraffen tzu Meyssen /  
Bekennen in dyesen vnsern  
offen schrifften vn̄ satzungen

Als von den prelaten Herren Ritterschafft vnd  
Stedten vnser lande / viel clage an vns gelanget /  
Wie vnser vnd yre vndertan / In vnsern landen /  
in grossen fall / abnemen vnd vorderben stunden /  
das sich alles aus der schweren Muntz / des vn̄  
messigen grossen gesinds / der wercklewte / als  
Steinmetzen / Mewrer / Lzimmerlewth / gemey  
ner vnd tegelicher arbeyter / Ion / aus vberflussiger  
Kost an essen vnd getrenck vnd Kleydunge / das als  
les in vnsern landen vnter allen Stenden vber die  
mass / vn̄ vnordenlich gebraucht / vsachte / vn̄ die  
stedte / das in yre Burgerlicher handel / als Mel  
tzen / Brawen vn̄ bieruorkanffens / des sie sich nes  
ren / vn̄ der groste teyl yrer narüg / darauff stunde /  
durch etzlich Prelaten / vnd des Adels / in vnsern  
landen / die sich des angenommen / Auch durch die  
handwercker / so von yne auff den dorffern gehals  
ten / berawbt wurden / das doch nicht seyn / yne //  
auch nicht zustunde / vnd vor alter also nicht her  
komen were / vnd vns darauff demutiglichen ans  
geruffen / vnd fleysigk gebeten / Das wir in die sa  
chen alle sehen / die genedigklich betrachten / vnd  
yne die alle / aus vn̄ durch vnser furstlich gewalt /  
macht / vnd satzung / benemen / vnd dy alle vn̄ itz

Vrsachen des  
abnehmens der  
Lande.

petitto.

A ij lichts

lichs yn sunderheyt in ander vnd bequemer weyse  
zuorden/vnd zusetzen/da durch solch schwerheyt/  
vnordentliche weyse/vnd das vorderben/das ders  
halben vnter dem gemeynen volck vorhaden were  
vorkomen wurd/vn wir solche clag gebrechen vn  
abnemen/der vnsern/mit beschwertem gemute  
vornomen/vnd doch newekeyt vorzunemen vnd  
satzung zutun schwere sind/So wir aber bedacht  
das vns die sorgfeldigkeyt vnser land auffgeleget/  
vnd das wir die vnsern/in billichen vnd notturff  
tigen sachen zuerhoren schuldig/vn yne yre besch  
werung zubenemen/das boese schedelich vn vntreg  
lich vnd vngleycheyt/in gut nutzlichs tregenlichs  
gleich vnd billichs/wo wir das gethun konnen/  
nach vnserm vormogen/allewege zu wandeln vn  
zuuorfugen geneygt sindt/vnd wiewol wir wissen  
das wir mit voranderung hoses wesens vnd satz  
ung ordenlicher vn nutzbar dinge/von vn bey den  
vnuorstendigen leichtuertigen/vnd die in yren ey  
gen/vor den gemeynen nutz vorblendet/viel argt  
wan vn nachrede machen/das wir vns aber nicht  
vorhyndern/sundern vns auff anruffen demutige  
vn fleysige bete/der vnsern/die an zweyuel zu vns  
ser vn alle vnser land vn vnser vndertane/Ern/be  
sts vn zu gemeynen nutz zufurdern geneyget sind/  
als wir die allezeit Emssigk vnd fleysigk erkant/  
So haben wir vns angenohmen/in den obgerur  
ten/vn andern stucken/aus vnser ifurstlichen ma  
cht vnd gewalt ordnung vnd satzung tzu thun/  
Thun die auch/aus vnser ifurstlichen macht vnd  
gewalt/wollen vnd gebieten/das die von allen vns  
sern vnderthanen angenohmen/stete veste vn vns  
vorbrochen sollen gehalten werde/bey den penen  
so dor auff

so dorauß gesatzt sindt / vnd also die gesetze vnd  
pene dorauß itzlichs in seinem Artickel hernach  
vornohmen wirdet.

Vnd als wir von den vnsern / vmb eyn gerin-  
ger Muntz zumachen lassen / vnd zusetzen gebetten <sup>Muntz.</sup>  
sind / vnd wir betracht / Das wir in vnsern landen  
gar eyn lobliche wirdige Muntz / an den Sylbern  
groschen haben / die wir mit dem Hochgepornen  
Fürsten / Herrn Wilhelmen / Hertzogen tzu Sas-  
chsen / Landtgraffen in Düringen / vnd Margk-  
graffen zu Meissen / vnsern lieben vettern / den pre-  
laten Brassen Herrn der Ritterschafft / vnd stedte  
vnsrer beyderseyt landen zeytigem Räte / wolbede-  
chtiglichen vorgehomen / die ausgesatzt / machē  
vnd vor eyne gantze rechte haupt were / ausgehen  
vñ gancckhafftig werden lassen / Als sich auch von  
aldem herkommen / vnd auffatzung der Muntz / die-  
ser vnser lande gepurdt / vñ recht ist / die selben vn-  
sere silberyn groschen / wir an schrot vnd Korn / ni-  
cht vorandern vnd die allezeyt / vor vnser vnd vnser  
lande rechte muntz vnd haupt were habē wollen.

Darumb setzen vñ orden wir / das dieselben  
vnser silberyn groschen / vnser rechte muntz vnd  
haupt were bleyben / vñ das sie eyn ytzlicher in vn-  
sern landen dar vorhalten / haben / vñ in allen Erb-  
keuffen / Auch mit gebung vnd nemen der Zins /  
Beschosse / Zolle / geleyte vñ allen andern eynkom-  
men vnd fellen / wie die namen haben / ader genent  
mogen werden / So wir ander Fürsten / prelaten /  
Brassen / Herren / die Ritterschafft vnd Stedte  
geystlich vñ werntlich / in vnsern landen nyemāds  
ausgeschlossen gebrauchen sollen.

A iij      So aber

So aber eyntem yedem vñ dem gemeynē Man  
vmb vnd mit solchen groschen teglich / vñ die ents  
scheydung / so an groschen / pfenning / vñ hellern  
darauff geschlagen / sind alle stunden vnd vmb al  
len gemeynen handel / als in speystauffe vnd aller  
ander ware vñ kauffmans handel / auch gesinde /  
der wercklewte / vnd gemeynen tag arbeyter lone zu  
schwere seyn / vnd das einem yedem nach seynem  
stande vnd wesen / gleich vnd ordenlich gemacht /  
das sich des ein ytzlicher in teglichen keuffen vnd  
vorkeuffen / auch noch seinem dienst / die wercklew  
te vnd arbeyter ytzlicher nach seynem stande seyn  
lohn zusuchen vnd zufürdern / Der herr vnd baw  
man seinem gesynde vnd wercklewten / vnd gemeyn  
en arbeytern zugeben wisse / So haben wir zuent  
scheydung derselben vnser rechtē muntz vñ haupt  
were / an groschen an pfennigen vnd hellern / ein  
nawe geringer entscheydung machen / die wir ytz  
ausgehen lassen / die ein ytzlicher in vnsern landen  
was stands wurden ader wesens der ist / vor eine  
entscheydung / vnser rechten vnd ober muntz hal  
den vnd haben / vnd die sust in allen hendeln in teg  
lichen keuffen vnd vorkeuffen / vmb alle war / in als  
ler zerung / allem gesind / wercklewten vnd gemeyn  
en arbeyter lone / vor eine rechte gebreuchliche we  
re haben vñ halten / vñ die nawen groschen / pfen  
ning vnd heller / die wir ytz zu einer entscheydung  
der rechten muntz haben schlahen / vñ ytz ausge  
hen lassen / sollen die groschen virtzigk eynen Reyni  
schen gulden / vnd zwen einen silbern groschen gel  
den / Die nawen pfenning sollen zwolff einen sil  
beryn groschen / vnd sechs eynen nawen groschen  
gelden / vnd vier nawe pfenning / drey alde vnser  
nechst

nechstgeschlagen pfenning vorgeleichē / Die newen  
 heller / der sollen vierundzwentzig eyn silbern  
 groschen / vnd zwolff ein newen groschen gelden /  
 vnd vier newe heller sollen drey der nechst geschla-  
 gen alten heller vorgeleichen / vnd die allezeit also  
 vngewegert dar vor gegeben / genohmen / vnd eins  
 mit dem andern vorgeleicht werden / vnd so in viel  
 ortern vnser lande / die an die kron zu Behmen /  
 die land darzu gehörn / Die margk zu Branden-  
 burgk / den stift zu Magdeburgk vnd andere land  
 grenitzen / do die Behemischen groschen / vnd vn-  
 ser vorgeschlagene muntz / als die mittelgroschen  
 vnd schwert groschen gangkhafftig seyn / die man  
 eyne zeit in vnsern landen / nicht hat nemen sollen /  
 Deshalben vnter dem volck / so die merck vñ den  
 handel suchen / der bezalung halbē oftmals irrung  
 vnd gebrechen entstanden / das solchs nicht meher  
 not sey / vnd die lewt yren handel desto besser miteyn-  
 ander gehabē mögen / So vorwilligen wir / das  
 man die Behmischen groschen / die mittel groschē  
 vnd schwert groschen auch nemen soll / Nemlich  
 der Behmischen / der mittel groschen / eynen vor  
 eylff newe pfennige vnd zwenundzwentzig newe  
 heller / den schwertgroschē vmb sechsthalben newen  
 pfennig / vnd vor eylff newe heller nemen vnd  
 geben.

Fremde  
 Muntze.

vnd so die Prelaten die Herren Ritterschafft / die in  
 Stedten / vnd der bawers Man / lange zeit her / des  
 gesinds der werckleute / vnd aller gemeiner hantarbeyter  
 lons / grosse beschwerung gehabt / das sie auch selbst  
 vntereinander vrsachē gewesen / in dem das eyner vor  
 dem andern gleichem / gesinde werckleuten vnd  
 gemeinen arbeytern meher

Gesindes lohn.  
 Werckleute  
 lohn.  
 hantarbeyter  
 lohn.

meher lone/vnd besser kost / dann der ander gegeben/zunor aus in den stetten /dar durch eyner dem andern seyn gefind /seyn wercklewte vñ die gemeynen tagloner entzogen /aus dem an zweyuel den vñ fern grosser vnrate vñ schaden entstanden / deshalb nott ist/darvor zgedencken/vnd auff das solchs hynfür nicht meher not /vnd eyn yder wyssse / was er seynem gefinde /seinen werckleuten vnd gemeynen arbeytern zu lone geben /des gleichen/das gesynde die wercklewte vnd die gemeyn tagloner was seyn iar/wochen vñ taglone vmb seinen dinst vnd arbeyt sein/das er vñ nicht meher fordern sol.

Darumb orden vnd setzen wir / wie sich alle vnser vndertan/welchs standes / wurden ader wesens die sindt/die Reysige knecht dorffen/vnd haben müssen/mit cleydungen/lone/vñ kein andern yrem gemeinen gefinde/den wercklewten vnd andern gemeinen arbeytern vnd taglonern sal gehalten werden.

Kleydung der  
Knechte.

Zum ersten / soll nymants /welchs standes wurden ader wesens der sey /seyne knechte anders dann in eynlendisch gewant cleyden / ausser hosen kogeln/koller vnd brustletztuch/das magt ein yeder seinen knechten kauffen vnd geben/wie guth er wil.

Marstallern.

Den Marstellern knechtē /den der herre /ader Edelman nach seiner notdurfft schae vnd cleyder gibet/vñ den vmb seins fleysigen getrewen dinsts willen/mit gelde zustewr kommen /vñ des iars zu seyner cleydung etwas geben wil/der sal yme doch des iars nicht mehr /denn der ytzigen newen groschen/ein schock/zwētzig groschen gebē/vñ eynem  
Erbarn



Erbarn knecht eyn schogk / virtzig groschen / So  
aber ein Herre ader Edelman / seinen knechten nis  
cht schue vnd cleyder / sunder yhr ydem eyn genant  
gelt gebē / so magk er einem Erbarn knechte funff  
schogk / vnd einem stalknechte vier schogk / vnd nis  
cht meher / der ytzigen newen groschen gebē. Dem  
gemeynen gesinde zum ackerwergk / Den Kochin  
auff den Höfen vnd Forwergken / vnd ander ges  
sind zu der vyhezucht.

Erbarn knecht  
chten.

Zum ersten eynem Schyrmeister der seynem  
herren seyne geschyrre zu wagengestellen / pflug vn̄  
eyden auff drey ader vier pflug wergk machē kan /  
andrem gesinde getreulich vorsteet / die zur arbeyt  
fürdert vnd anweist / dem herren seynen acker bes  
sethet / vnd sust in alleweg getreulich dienet / zu dem  
geschyrre zumachen / seyn eygen waffen hat / dem  
magk man des iars vier schogk / der ytzigen Gro  
schen geben / Eynem grossen knecht / der zum acker  
wergk dient / seynen pflugk vnd seinen wagen zuris  
chten kan / drey schogk zwentzigk groschē / Eynem  
pflugk treyber / zwey schogk virtzig groschen / Eyn  
ner Kochin / ader Kesenuter eyn schogk virtzig gro  
schen / Eynere grassen mayt eyn schogk zwentzigk  
groschē / Eynere andern mayt eyn schogk zehen gro  
schen / Eynere kühemayt eyn schogk / Einē schwein  
hirten funffzigk groschen / Also sal man das gesin  
de auff ein ander iar vnd hinfür alleweg auff s iar  
nicht anders myten / noch dem mehr geben .

Schirmeyd  
stern.

Ackerknechten

pflugk trey  
bern.

Kochyn.

Kesenütter.

Grossen mayt.

Andern mayt.

Kühmayt.

Schweyn hirt  
ten.

Den wergkflawten magk man eynem parlirer  
er sey Steinmetz / Mewrer / Tischer / ader Lzime  
merman / der zum Lzimmern vor sich / seyn eygen  
B waffen

Wergkflawten.  
Parlirer.

Gemeynen  
wergkman.

Zantreycher  
ader gemeynē  
arbeyter.

Feyertag.

waffen hat / vber die kost / so man yhme an essen vñ  
trincken gybet / der ytzigē nawen groschē / in Som  
mer tagen / die wochen achtzehen geben / Eynem  
gemeinen Steinmetzen / Meurer / Tischler Knecht  
ader zimmerman / sal man zu der kost vber vurtze  
hen Groschen nicht geben / So aber dieselbigen  
wergkleute / bey yr eygen kost arbeyten / so sal man  
dem parlirer vber sieben vnd zwentzig groschen /  
vnd dem gemeinen steinmetzen / mawrer / ader zym  
merleuthen / die wochen vber drey vnd zwentzig  
groschen nicht geben / Eynem hantreicher / adder  
sust andern gemeynen arbeytern / sal man zu der  
kost / in Sommertagē newn nawe pfenning ader  
achtzehen heller / eynen tag geben / Das ist die wo  
chen / newn / der ytzigen nawen groschen / So sie  
aber bey yhrer eygen kost arbeytē / sal man yhne ses  
chtzehen groschen / vnd dar vber nicht geben.

Ap eyn heyliger tag in der wochen würde /  
der sal den wergkleuten / auch den gemeynen arbey  
tern / an yhrem wochēlōne nicht schaden / würden  
yhr zwen / der eyne sal yhne an yhrem lōne abgehen  
der ander fall yhne mit dem wochen lōne vorlont  
werden / würden yhr aber drey / so fall man yhnen  
die wochen nūr halber vorlonen.

So danne die wergkleute / so sie an der kost  
bawen / die den sie bawen / mit der kost vast besch  
woren / vnd vngenügklich seyn / Deshalben yhre  
kost / was man yhne zuessen vñ trincken geben sal /  
also das dieselben wergkleute wissen / was yhre  
kost vnd tranck seyn fall / vnd an den leuten nicht  
meher fordern / vnd darüber dringen / Das auch  
eyn ytzlicher

eyn ytzlicher wyffe / das er yhne nicht mehr geben /  
vnd das eyner nicht meher / dan der ander gebe /  
vnd darmit eyne anderung machen / vñ eyner dem  
andern die arbeyter damit entzyhen / So ist nott /  
das solchs auch gesetzt werde / vnd ist vnser meynung /  
Es soll auch von nymands anders gehalten werden /  
vnd man sal denselben wergkewten allezeit zu yhem  
Mittags vnd Abent male / vier Essen geben /  
an einem fleysch tag / Ein suppen zwey fleysch /  
vñ ein gemüse / Auff einen freytag vñ ander tag /  
do man nicht fleysch an isset / ein suppe ein essen  
grün ader dürre visch / zwei zugemüse / So man fasten  
mus / funff essen eyn suppen / zweyerley fisch /  
dürre ader grün / vñ zwey zugemüse Zu dem morgen  
vnd abent broth / zwischen den maln sal man yhne  
nicht meher dan kess vnd brott / vnd sust kein gekochte  
speyss gebe / man mag yhne aber das mittag vnd  
abentmal / vñ sust vber tag kofent zutrinken geben /  
Den handreichern vnd andern gemeinen arbeytern  
sal man zuessen vñ zutrincte geben / als yder  
seyhem gemeynen gesynde / das zu ackerwergk /  
vnd des gemeynen viehs zu warten dient / gibt /  
Eynem meder der gersten / hafern ader der grass  
hawet / dem sal man einen tag vber drey groschen  
nicht geben / vnd sal ime zuessen vñ trincken  
geben / als oben den wergkleute angezeigt ist.

Kost der wergkewte.

Handreichern.

Medern.

Was aber gesynde auff dys iar gemiet / was dem vor lone vorheyssen / vnd zugeben gelobet ist / dem sal man seinen lone / wie yhme das gelobet / bys vff die zeyt / das wyr die ytzigen vnseren neuen groschen / neuen pfenning vnd heller / zuentscheydung der silberyn groschen / haben ausgehen lassen

B ij sen /

sen / nach dem silberyn groschen geben vnd verlor-  
nen / vñ danne hynfür die zeyt seyng iars ader dinst-  
sts aus / wie kurtz ader langk das ist / fall er yhme  
alleweg / der ytzigen neuen groschē drey an zweyer  
silberyn groschē stadt geben / vñ nicht meher / dar-  
mit er yhme sein gelobt lon vorgnugen / das yhme  
auch der dinstbotte sal genügen lassen / Also sal es  
mit allerhandt arbeyt / in welcherley weyse die ist /  
vnd ap die vordinget were / gehalten vnd verlont  
werden .

Straff der iez-  
nigē / so am lo-  
ne nicht wollē  
begnugig sein

Sundern wenn die zeit der dinst aus sindt / vñ  
ytzlicher zu seyner zeyt wider gesind / zu seyner not-  
durfft mieten wil / ader mus / der sal es alsdan / vñ  
nicht tewrer myten / So aber eyn dinst knecht /  
frawe / mayt ader wergkewte / sich an solchem lo-  
ne / nach vnser satzung / nicht begnugen / vnd sich  
darmitte zuuorigenüge lassen / das wegern / vñ dar-  
umb seinem herren / von seinem dinst ader arbeyt  
lauffen / der sal in vnsern landen nicht sicherung /  
noch geleyte habē / sondern mit schwerer straff sey-  
nem herren / seinen dinst auszuhalden / ader seyne  
arbeyt so er yme abgedinget / zuuolbringen / vñ si-  
ch vnser gesatzten lons zuhalden / vñ darmit zu-  
uorigenugen lassen / Wurd aber ymandts dar vber  
aus vnsern landē fluchtig / der sal von vns / vnsern  
Amptleuten / vnd allen den vnsern keyn geleyte ge-  
wynnē / er hab sich danne mit dem / dem er von sey-  
nem dinst ader arbeyt entlauffen / genügliehen vor-  
tragen / Darauff sollen alle vnser Amptleute /  
die Prelaten / Brauen / Herren / Ritterschafft / vñ  
Stette / die gezwangk vnd gerichtshülff haben /  
So sie ader die yren darumb angeruffen würden /  
ane alles vorzihen gestrenglichen hülff thun las-  
sen / vff

Imploratio  
potestatis.

sen/ vff das vnser satzung / in dem nicht abbruch  
gesche/ sunder der ernstlichen vñ getreulichen nach  
ch gegangen werde.

Es fall vber diese ordnung vnd satzung des  
gesind lones/ den wergkleuten vnd vordingern /  
vnd gemeynen arbeytern nymannts mehr geloben  
nach geben/ durch keyne weyse/ list/ ader vmbsten  
digkeyt/ wie die funden ader erdacht mochte wer-  
den/ Sondern weniger magt eyn yeder wol geben  
ab er das/ an seynen dinstpotten/ wergkleuten/ vñ  
arbeytern gehalten mag/ So aber yemants in den  
sachen brüchig erfündig / die mit meher geloben/  
vnd gebung vberfahren / vnd nicht gehalten / der  
dann das gethane/ der fall seynem herren vor eyn  
groschen/ den er mehr gegeben/ eynen gulden geben  
Vnd der dinstbotte wergkman ader gemeynen ar-  
beyter/ der das enphangen/ Sal alsdann/ dem sel-  
ben herren sein iar lone/ ader das / darumb er ar-  
beyt zuthun vordinget/ sein wochen ader taglone/  
wie er zu dem dinst ader arbeyt versprochen vnd  
verbunden were/ verloren haben.

Weniger aber  
mit meher mag  
man geben.

Straff der ied-  
nigen / so me-  
her gegeben.

Item des/ der  
meher genom-  
men.

So aber ymants / wer der ader dye weren /  
solch straff nicht tetten/ nach nemen / So wollen  
wir die vnser Amptleute eyn nemē lassen/ vñ den/  
der die nicht genomē hat/ selbst in vnser vngnas-  
de vnd schwere straffe nemen.

Itē deren / so  
nicht straffen.

Es fall nyemandt dem andern seyn gemyet  
vñ gebröt gesinde auffnemen nach vorenthalten/  
bey vormeydung schwerer straffe / Wenn eyn ge-  
sinde aus gedienet hat / es sey eyn knecht / frawe  
mayt iungk ader alt/ das zu dinst geschickt ist/ vnd

Eyns sal dem  
andern sein ge-  
sinde nicht ab-  
spannen.  
Das keyn ge-  
sinde ane dinst  
bleyben fall.

B iij wyder

Das Feyn ge/  
finde ane dinst  
bleyben sal.

wyder dienen müsse/vnd sich nach dem tag/ als er  
ader sie von yrem vorigen hern/ dem er ader sie ges  
dient abgescheyden ist/ vor zwelfftagen nicht wys  
der vormyt/ vn̄ an dinst gezogen ist / der ader die/  
fall vns so viel als er ader sie / das iar vmb gedint  
hat/vorfallen seyn/ das von vnsern Amptleuten  
gestrenglich sal genommen werden.

Das dinst fall  
man auff sage.

Es fall sich Feyn dinstpote an Feynem dinst  
vormyten/er hab dann zuuor seinem Herren ader  
Juncckhern dinst auff gesagt / bey vorlisung seins  
iar lons.

Botten lohn.

Eynem botten sal man ym landt von eyner  
meyln wegs hyn vn̄ herwider zulauffen/acht narw  
pfenning zu lone geben.

Vnordnung  
in kost/trangt  
Fleydung.

Vnd als von den Prelaten/Braten/ Herrn  
der Ritterschafft den Stetten / vnd von dem ges  
pawerszman in vnsern lande / an kost vnd tranck/  
auch an cleydung gros vnd vnordentlich vorthun  
gewest / vnd ytzt ist / das den vnsern gantz zuuor  
derbē dient/Nachdem es gantz in ein vnordnung  
komen ist/denn so etzlicher vnter dem Adel/ auch  
in Stetten durch die gnade Gots seynen fleys vnd  
fürsichtigkeyt zu narung vnd vormögen komen da  
durch er vor eynen Edelman gehalten / ader sust  
seyns guts halben hervorgezogen vnd geert wirt/  
sich der narung vnd grösser kostung halben / seyn  
weyp vnd kynde wol gehalten/ vnd seyn kynd zu  
ern vnd hohen standen gefürdern/so dann ein ans  
der das sibet / der villeicht seins herkomens stans  
des vnd wesens viel Edler vnd besser were/alley  
das er seins guts halben das nicht vormagt / vnd  
darumb do hynden stehen vnd bleyben mus / der  
wirt

wirt dann auch beweget / vnd wil dem mit kost vñ  
cleydung vñ andern / der das wol hatt / nach fah  
ren / vnd legt dann darauff mehr dan er vormagk /  
das er auch gesehen / vñ seynen kyndern darmitte  
fort helfen wolt / der kompt seyn dan zu schaden  
vnd mus dadurch verderben / Darumb ist nott /  
das solchs auch vorkomen / vnd auff ein zimliche  
weyse bracht werde / also / die vnter dem adel / vnd  
in den stedten / einer bey dem andern / solch ko  
stung vnd cleydung ausgerichten / vnd des halben  
nicht zu schimpff werden / vñ zu grössern schaden  
komen dürffen.

So orden vñ setzen wir / das nwe hynfür als  
le vnser vnderthan / welchs stands wurden vñ we  
sens die sind / auch was geste eyner hette / ausge  
schlossen ifürsten / ader redlicher fürsten botscha  
fft / vber seynen tisch des morgēs nicht vber sechs  
Essen / vnd den abent vber funff Essen haben /  
Desgleichen nicht meher / dann zweyerley weyn  
vñ zweyerley bier geben / wer das vberfaren erfun  
den würd / der fall seyner herschafft von ytzlichem  
Essen zehen gulden vorfallē seyn / ausgeschlossen  
in wirtschafften / als Hochzeyte / Ersten messen /  
ader das er ifürsten / ader auslendischer ifürsten  
botschafften hette / so magk er auff den morgen  
acht / vñ auff den abent sieben essen geben / vnd ey  
nerley trincken / mehr / ab er das zugeben hat / ader  
geben wyl.

In den mergklichen Stetten fall keyn wirt  
schafft gehaldē werden / do man leuth vber sechs  
tischen zu hat / vnd das man den vber drey mal zu  
essen gebe / In den cleynen vnd offen Stedten /  
Mergkten vnd Dörffern / fall nymannts tzu key  
ner wirt

Wie vill essen /  
vnd gerrencke  
den gesten tzu  
geben sey.

pena.  
Essen vñ trink  
cken vff wirt  
schafften.

Wie viel geste  
zu den wirtsch  
affren in stettē  
man setzē mag  
vnd wie vill  
essen zugeben.

ner wirtschafft / Es sey zu ausgaben / zu hochzeyt  
tagen / dann zu vier tischen / volg / haben / vnd das  
den selbigen allen / zu der aufsgabe / vnd auff dem  
hochzeyt tage / nicht meher / dan auff zweymal /  
ader auff's allermeyst drey mall zu essen gebē werd  
vnd nicht meher / vnd zu solchen malzeytten / fall  
man nicht meher / dann auff den morgen funff /  
vnd auff den abent / vier essen geben.

**Kirmessen.**

Zu den Kirmessen / fall keyn Bürger / adder  
Bawersman vber funffzehen persone / zugast has  
ben / den auch nicht meher / dann zweymall zuessen  
geben / Auff den morgen funff / vñ auff den abent  
vier mit den zumüsen.

**Tawffen.**

**Kirchgangē.  
Sechswochen**

Es fall auch zu den hochzeyten / vnd Kirmes  
sen / zu dem essen / nymandts vngeweten gehen / nos  
ch essen gegeben werden / bey den penen / vorbe  
stympt / zu Tawffen / Kirchgangen / vnd inn den  
Dörffern nymandts / mit dem andern / keyn kost  
thun.

**Das an den  
feyer tagen  
vor der messe  
ader darunder  
nyemandts in  
die kretsch  
mar gehen.**

Item es fall in den Stedten / nymandts wider  
Nanne noch weyp / nach hantwercker / außgesch  
lossen geste ader wanderlewte / am heyligen tage /  
der von der heyligen kirchen / zu feyern geboten ist  
in Schengkewsern / Kretschiner / ader Tafers  
nen / darinne zu trincken / ader zu zeren chir / dann  
die Messen der Ampt aus syndt / gehen / Wo das  
aber / von ymandts vberfaren / vnd des vorbruch  
lich erfunden / der fall dem Rathe in der Stadt /  
do solchs geschehen ist / In den Dörffern / dem  
Herren / dem der kretschmar ader Tafers  
het / eyn



het / eyn schoß groſchen vorfallen ſeyn / Des gley-  
chen der Schengke ader Kretzſchmar / in des haws  
es / mit ſeynes weybs vnd gefinds willen geſcheen  
iſt / auch vorfallen ſeyn.

Es ſall auch in den Stedten vnd Dörffern  
am wercktage / kein eynwoner noch handtwercks  
geſelle / der ſich zu diſt / ader zu arbeyten vordin-  
get / vnd nicht ledigk / vn̄ frey iſt / zu der zeche in eyn  
Schengkhaws / Kretzſchmar / ader Lafern gehen  
bey vorlyſung obgeſatzter pene.

*Nota:  
Dienstag.*

Das kein diſt  
vorwarter am  
wercktage zur  
zeche gehen.

Es ſall auch nymandts was ſtands werden  
ader weſens der ſey / an keynem end / mit dem an-  
dern / wieder zu halben / noch zu follen trincken /  
noch durch keyn wort / ader weyſe / wie die darzu  
erdacht möcht werden / einer den andern zu ſölch-  
em / ader andern vngewönlichem / vn̄ vnbequemē  
trincken reyſſen / Wer aber hirinne bruchenlich er-  
funden / der ſal ſeyner Herrſchaft zehen gulden vor-  
fallen ſeyn / Des gleichen der wirt / in des haus es /  
mit ſeinem willen vn̄ vorhengknus geſchicht / auch  
zehen gulden vorfallen ſeyn.

Das nymant  
zu halbē ader  
vollen trinckē  
adder eyn an-  
dern nöttigen  
ſolle.

Es ſal auch / keyn wein / noch biershengke /  
Kretzſchmar ader Laferner / Manne ader frawē /  
die haws vn̄ hōffe haben / noch yre geſynde / adder  
ledigen volcke / vber eyn orth eins gulden borgen /  
er vorkawffet es dann / mit gantzen vaſſen / auf ge-  
ſchloſſen von Sandt Johānes tag / bis auff ſandt  
Michaellis tagk / So mag er einem ytlichen haus  
wirt / vor ein gulde borgen / ſo dar wider gethane /  
So ſall der / dem geborget wirt / nicht ſchuldig ſeyn  
zubezalen / vn̄ der vorborget hette / ſolt als dan ſei-  
ner Herr

In der zechen  
adder fuß inn  
Kretzſchmar /  
ſall man nicht  
vber eyn ort  
vorborgen.  
Excepto a feſ-  
to Joh. bap.  
vsqz ad Mich-  
aelis.

ner Herschafft / voritzlichen pfennig / den er vber  
die satzung vorborget hette / drey pfenning zu buse  
vorfallen sein.

*Müssigk gen  
ger sollē vber  
drey nacht nit  
geherberget  
werden.*

Es sall keyn schengk / Kretzschmer ader **Las**  
ferner / keinem müssigk geher / der seins müssigk ges  
hens / nicht Erbar sachen hette / vber drey nacht  
herbergen / wo aber einer befundē / der vorsetzlich /  
aus einem schengkhaws / in das ander ginge / vnd  
wolt sich seins vornehmēs vñ wesens / do mit ent  
halden / vñ nicht zu dienst geben / adder den lewten  
sust vmb yre gelt arbeyten / den sal man zuhanden  
nehmen / vñ seinen handel / von yme erlernen / vñ so  
man den streflich findet / sal man yne / als sichs sei  
ner vorhandlung gehört / straffen / Vnd der wirt /  
der yne vber die gesatzte zeit / mit seinem wyssen ges  
herbergt / Sall seyner herschafft / ein schogk vorfal  
len seyn.

*Gemeine bier.*

Als in den stedten vñ dörffern gewonheyt ist /  
das die gemeynen / viel mal im iare gemeyne bier /  
trincken / vñ mit solchem trincken viel vorzeren / vñ  
yre narung vorseumen / das mancher darüber vor  
terben muss / Darumb wollen wir solchs / nicht  
mehr gestatten / Sondern orden vñ setzen / das die  
gemeynen bier / in stedten / mergkten vñ dörffern /  
nicht meher / dann zu Weyhenachten / zu fastnas  
cht / zu Pfingsten / vñ von den ynnungen in stetten  
auffs heyligen leichnams tagk / sollen getruncken  
werden / doch das zu keyner zeyt / in solch gemein  
bier / mer dan auff zwentzig person / die in der zech  
sindt / vñ darzu gelden / ein vhas biers sal getrun  
cken werdē / vñ was ein ygliche gemeine / in cynem  
dorff vber iare / nach yrer wilkōre / ader nach alder  
gewonheyt / ader aus vorgunst yrer herschafft zw  
blissen

*Weynachten  
fastnachten  
pfingsten / ge  
meyn bier.*

büssen hetten / vñ büßen würden / das sollen sie als  
les zu hauffe halden / vnd auff die drey gezeytten /  
vortrincken / vñ was sie an solchen yren gemeynen  
büßen / ader von andern yrem gemeynen gute het-  
ten / vñ von dem gemeynen trincken eröbern / das  
sollen sie / zu ander yrer gemeinen nützung / vñ sun-  
derlich zu gewere / als harnasch vñ geschosse / das  
sy dann nach rate yrer herschafft / an solch dingē  
legē / vñ das ierlich darmit bessern / so das anders  
gehalden / vñ solch vnser ordnung vñ satzung vber-  
faren / so solt dieselbe dorffschafft vñ gemeyne yri  
Hern / vnd vnsern Amptleuten zehen schogē vor-  
fallen seyn.

Vnd als die cleydung / vñ der geschmucke vñ  
ter der Ritterschafft vñ in den Stedten / an frau-  
en iungkfrauen vñ mannen / fast gross vñ köstlich  
worden / dardurch die von der Ritterschafft / auch  
die in stedten / des die leng nicht zukomen / vñ dar-  
umb vorderben müsten / als wir besorgen / von vie-  
len gereyt gescheen / Deshalben gar nott / ein orde-  
nung / vñ satzung zuthun ist / vff das eins bey dem  
andern / hinkomen / vñ der vbermessigē kostlicheyt  
nymandts hinhynder gedrugkt werde / Darumb  
wollen orden vñ setzen wir / das nue hinfür / vnder  
der Ritterschafft / keyn ifrawe noch iungkfrawe /  
keyn cleyt fall machen lassen vñ tragen / das yr vber  
zweu ellen lang / auff der erden nach gehet.

Kleydung vñ  
geschmuck.

Frauen vnd  
Jungkfrauen  
kleydung vñ  
der der Ritter-  
schafft.

Es sal auch keyne meher / dann eyne seyden  
rogk / vñ zweu rocke do gestickt auff ist / als an Er-  
meln vñ halben brust / mit dem Koller / vñ brust les-  
tzen / vñ auffs allermeyst eyne gantze brust / vñ sust  
keynen gestickten rock nicht / ader zweu seyden / vñ

L ij eynen

einen gestickten rock / auff ein malh haben / vñ das  
derselbigen keyner / vber anderthalbhundert gul-  
den wert were / Auch nicht mehr / dann eine seydes-  
ne schawbe / Sust mag sie von gewandt / Scham-  
lott / Zyndell / vñ Harras röcke vnd schawben / so  
viel sie vormag / machen lassen vnd tragen wie sie  
will.

Es sall keyne ifrawe ader iungkfrawe / vber  
ein geschmugke spane tragen / yr hewpt mogen sie  
mit den reinischen heffeln vnd krentzen schmückē  
als das herkommen / vñ ein ytzliche zuthun vormag.

Es sal keine dinst iungkfraw / vber zwen röcke  
von guthem tuch tragen / vnd kein span auff dem  
hewpt / noch sust tragen.

Rittermessigē  
mans kleydung

Es sall keyn Rittermessigē Man / der auch  
Ritter vnd vnser Rath ist / nue hynfür / auff ey-  
malh / vber zwo seyden schawben / noch sust keyn  
cleyt an die schawbē / das vber virtzig gulden wert  
ist / machē lassen vñ tragē / wo er aber nicht schaw-  
ben hette / so möcht er an der schawbē stadt / tzwey  
cleyt machen lassen / vñ haben / das ytzlichs besser /  
dann virtzig gulden wert weren.

Edellewte .

Es sall kein Edelman der nicht Ritter / noch  
vnser Rate ist / nicht meher / dann ein seyden sch-  
awbē / ader ein cleyt / das vber virtzig gulden wert  
ist / haben.

Bürgere.

Es sall kein Bürger in keiner stadt / in vnsern  
landen / keyn seyden cleyt / ane Jopen / die magt er  
wol tragen / Vnd die in den mergklichen Stetten /  
in den Ketten sindt / die mügen von außslēdischem  
Gewand / so viel sie wöllen / cleyder machen lassen /  
Doch

Doch das yr keiner/ein cleit habe/das meher daff  
dreyssig gulden kost/ ader wert sey/ Aber die ni  
cht inn Ketten sindt/ Sall keiner vber zwey fleydt  
von außslendischem tuch haben/wil er der meher  
haben / die magt er von dem eynlendischen tuch  
machen lassen/so viel er wil.

Es sall auch kein Bürger/wider schnüre nas  
ch nete/ader anders von vntzen golde / vnd silber <sup>Vntzen goldt.</sup>  
tragen/ was den Mannen zu tragen erlewbet ist / <sup>Silber.</sup>  
des gleichen vnd nicht meher / sall seyn weip vnd  
Töchter tragē/ Doch so magt ein ytzliche Jungt  
fraw vnd ifraw hawpt geschmücke haben vñ tras  
gen/der dann dreyssig gulden wert ist/ vnd nicht  
besser.

Redliche kawff lewte / in den namhafftigen <sup>Kawff lewte</sup>  
Stedten / vnd ab yemants von der Ritterschafft / <sup>vnd Adel aus</sup>  
darinnen wonten/die wollen wir darmit / ausge <sup>geschlossen.</sup>  
schlossen haben/ Also das sich dieselbigen/ den in  
Ketten gleich cleyden mögen/mit dieser vnser orde  
nung/sal kein gast/der in vnsern landē nicht won <sup>Item geste.</sup>  
hafftigt ist / ligend grund / ader sust eygenthum /  
darinnen hat/ verbunden sein.

Vor seyden gewandt sal nichts anders gere  
chent werden / dann Sammet / Lamaschen / <sup>Was vor seyden</sup>  
Atlass/ Lobyen / vnd was man vber eynen reyn <sup>den gewandt</sup>  
schen gulden keroffen mus/ Scharlach sall seyde <sup>soll gerechent</sup>  
nem gewande gleych geacht werden/Schanloth <sup>werden.</sup>  
vnd seyden tuch / wie das heysset / das man vnter  
eynem gulden kerofft/magt dem außslendischem  
tuch gleych getragen werden.

L iij Die in

Die in Kleynen  
Stedten.

Die in den Kleynen Stedten vnd mergkten vñ  
vff den Dörffern/do soll nymandts Keyn frembde  
tuch tragen / Sunder in welchen Kleynen Stetten  
bestettigt Rete sindt / magk yglicher eyn cleydt ha-  
ben vnd tragen / von außslendischem tuch / Doch  
das es nicht / vber zwelff gulden werdt ist / Des  
gleychen / salles mit yren weybern vnd Töchtern  
auch gehalten werden.

Hauptschy-  
muck.

Schleyer der  
weyber.

Es soll aber Keyne Jungkfraw / ader Ifrawe  
auff dem heupt / vnd sust zuuorauß Keynen sch-  
muck tragen / der vber zwelff gulden wert ist / Dar-  
zu sal Keyn Bürgeryn / in keiner stadt / sie sein groß  
ader kleyn / Keynen / sinenwoffyn / noch Keynerley  
leynwant tragen / die außslendisch ist / der man  
nicht vier elen vor eyn gulden gekeroffen kan / auß-  
geschlossen / in den mergtlichen Stedten / der wey-  
ber / die in den Reten sindt / ader mergtlicher vnd  
vormöglicher Kawfflewte / ader ander mergtlicher  
hendeler / vñ Amptlewtweyber / die mögen synens-  
woffin / ader ander gute leynwat / zu schleyern als  
leyn tragen / Zu ermeln ader sust nicht besser / dan  
vier elen vor ein gulden / Die andern / der Denner  
nicht im Rate nach redliche vñ vormögliche Kawff-  
lewte sindt / die sollen nicht besser schleyer tragen /  
dann von der leynwant / der man vier elen vor eyn  
gulden kerofft / ader zu Ermeln vñ ander not  
durfft / sollen sie nichts / dann eynlendisch leyn-  
wandt tragen.

Die frawen in den cleynen Stedten vñ mergk-  
ten / der Denner in Reten sindt / die mögē schleyer  
von leynwandt tragen / der man vier Ellen vmb  
eynen

eynen gulden krewfft / Aber die andern frawen /  
der Menner nicht im Rathe sindt / die sollen tzu  
schleyeren vnd sust keyn ander leynwant / dan̄ ein  
lendische tragen .

Die frawen / iungkfrawen / vnd meyde / die in  
den merglichen vñ namhaftigen Stetten dienen / <sup>Dienstmeyde  
ader frawen.</sup>  
vnd die handtwercks knecht / mögen sich halden /  
als der gemeynen Bürger frawen / vnd Bürger /  
Die aber in den kleynen Stedten vnd Mergkten  
dienen / Die mügen sich auch halten / als sich der  
gemeyne man vnd yhre weyber darhalden .

Keyn pawer / ader pawers knecht / vnd pewer  
ryn / yhr diener vnd dieneryn / sollen keynerhandt <sup>pawer / pawers  
knecht / pewer  
ryn / vnd yhre  
diener.</sup>  
seyden / dann tzu Brawthawben / vnd auch keyn  
auslendisch gewandt vñ leynwandt tragen .

Wir wollen hirmitte nymants seyne cleyder /  
die er vor hat / zutragen verbieten / dann das nwe  
hynfür nymands soll zeugen / vnd machen lassen /  
noch tragen / das dieser vnser gesatzten ordnung  
wider ist .

Wollen auch mit dieser vnser Ordnung /  
nicht auff heben / nach einigerley erleubnus thun /  
das in eyner / ader meher Stedten / in den gesetzen  
der cleydung / geschmücke vnd wirtschafften / gas  
stung vnd ander quesserey halben / vorhyn einiche  
satzung vnd ordnung gemacht / ader in kunfftis  
gen getzeytten gemacht würden / Die durch vnser  
eldern / ader vns bestettigt weren ader würde / do  
ch das dieselbigen dieser vnser ordnung vnd satz  
ung in keynen wegk vbertretten vnd abbruch thun .  
Des meltzen

Meltzen.  
Brawen.  
Handwerks  
lewt.

Des Meltzen/Brawens vñ der handtwergs  
lewt halben/Das etlich Prelaten vnd in der Rits  
terschafft/sich auff den Karosse zumachen lassen/  
angenohmen / vnd dye handtwergker / auff den  
Dörffern halden/vnd den Stedten yhren handel  
vnd narung / darmit entzogen /vnd die eynwoner  
der Stedte / dardurch zuuorterblichem schaden  
bracht / wo das nicht vorkomen / so würden vns //  
die Stedte in die lenge vorwüst / das vns / vnsern  
nachkomen /vnd dem fürstlichen wesen / auch den  
landen an sich selbst nicht leydenlich.

A.

Darumb orden vnd setzen wir / aus vnser  
fürstlichen macht vnd gewalt / das nwe hynfür  
nymandts / welchs stands wurde ader wesens die  
seyn / inn seynem hawse / adder sust in den Dörff  
fern / auff seynen gerichtten vnd güetern / durch  
die seynen / adder ander / durch welche weyse / das  
zukomen / adder erdacht möcht werden / das yme  
zustünde / ader in eyniche weyse tzu gute komen /  
anders dann er vor seyn haws haldung notdürff  
tigk ist / vnd nicht auff den Karoff brawen fall /  
Darzu keynen Kretzschmer / der nicht vor eynen  
Erbkretzschmer ausgesatzt ist / vnd wurden / auff  
yhme hat / darumb yhme solcher handel zutreyben  
zugelassen / Ader die sollich brawen vnd meltzen /  
vber menschen gedenccken / vñ vorwertte zeit rechts  
lichen herbracht haben brawen lassen / Vnd dye  
Erbkretzschmar / ader die wie vor solch meltzen  
vnde brawen recht gehapt / vnd gewonnen / nicht  
anders eher nach lenger brawen lassen / dann die  
Stedte / bey den sie am nechsten gelegen / anheben /  
vnd auff hören / Wan die selbigen Stedte / bey  
den sie

Brawen.



den sie gelegen / zubrawen anheben / So mögen  
sie alsdann zu brawen auch anheben / vnd wann  
die Stedt auff hören / das sie alsdan auch auff  
hören / vnd keynen tagē darnach lenger brawen  
sollen / vnd was sie in solcher zeyt brawen / das sie  
alsdann das nyndert anders / an dem guten bier /  
dann inn yhrem haws von dem zappen / mit dem  
kannen masse ausschenccken / Den kofent ader ges  
ringe trincken / vnd treber mügen sie yhren nach  
gebawrn / was sie des selber nicht bedörffen / wol  
vorkewffen / vnd das er den selbigen seynen vnder  
thanen / tzu solchen yhren gebrewden / Auch an  
gebewde / auff yhren güttern / keyn hülff noch för  
derung thun / dardurch yhr eyner viel biers ges  
brawen / bey sich eyngelegen / vnd yhme desshals  
ben / durch ader von dem selbigen seynem kretzsch  
mar / desselbigen brawenshalben / keynen sunders  
lichen nutz tzu ziehen / wie der erdacht möcht wer  
den / mehr dann von altherher / auff dasselbige  
Schencckhaws des Brawen vnd Melzens hal  
ben gesetzt vnd herkomen were.

Ob aber eyniche Prelaten / Ritter ader Rits  
termesigē man / sich diese zeyt her / mit bier vbers  
legt / mehr dann er zu seyner notdurfft vnd haws  
haldung bedorfft / vnd das an seyn mergklichen  
schaden / seyner haws haldung vnd notdurfft nis  
cht behalden / der magē alsdan / dasselbe bier /  
domit er sich vberleget / diesen Sommer langē /  
seynen kretzschmeren vorkewffen / vnd vmb das  
gelt auss schengken lassen / Vnd dann hynfür /  
solchs vber dyese ynser satzung / bey vorliesung  
seyner

D

/seyner lehen / dorauff solchs geübet / würde nicht  
meher thun .

Lein weber.  
Schmidt

Es fall auch nymandts / welchs standes /  
wirden adder wesens der sey / auff keynem Dorff  
fe / das darauff sunderlich nicht gefreyhet ist / key-  
nen handtwergk's Man setzen tzu hawfs seyn /  
noch seyn handtwergk' keynen tagk do treyben las-  
sen / Anders dann inn eynem ytzlichen Dorffe /  
das den Stedten vber eyn vurtel wegs / entlegen /  
do magk man tzu gemeynen nutz / den armen lew-  
ten zu gute / eynen Schmidt / vnd eynen Leinwe-  
ber / der doch nicht anders / dann den armen lew-  
ten / vmb yhren lon vnd grop dinge / zu yhrer not-  
durfft arbeyt / haben / Welcher dorffs herre / das  
mit wyssen anders vorhieng / der fall darumb in  
vnser vngnade vnd straffe / vnd die gemeynde des  
Dorffs / so offte das von yne vorbrochen erfahren  
wird / dem nechsten vnserm Amptman do bey / ze-  
hen Reinish gulden tzu büsse vorfallen seyn.  
Dann wir seyn nicht schuldigk / eynem Manne  
adder eyner Dorffschafft zu zulassen / das eyner  
gantz Stadt / auch dem fürstlichen wesen scha-  
den vnd abbruch thut .

So die vnder-  
thanen vnder  
eynen andern  
herren zihen.  
Begebe sichs auch / das yrgent eyn vnder-  
thane eynen andern Herren adder Junckern sus-  
chen / der fall von seynem Herren / vnter dem er  
gefessen gewest / vnd von yhme zihen / eyn kundts  
schafft / das ehr gütlich von yhme gescheyden ist /  
brennen / Vnd so er die nicht brennen könt / So  
fall er sust vrsachen vorbrennen / das er yhme sol-  
che kundts

che Kundtschafft vnbillich zugeben gewegert.

Es fall nymandts Keynen Mörder / anders  
dann / zu recht geleyten / yhne auch nicht hawssen  
noch enthalden / vnd sunst keyne fürderung noch  
vorschup thun / Sondern wo der vornomen / das  
sich eyn yeder zu yhme halden / den annehmen / vn̄  
getrewlich fürdern / das er gerechtfertigt / vn̄ ges  
strafft wirt / wy sich das gehört.

Mörder fall  
man nicht ge  
leytē noch hal  
ten.

Vnd als bissher eyn gewonheyt gewest / das  
ein ytzlicher / der eynen todtschlagē zu fordern ges  
hapt / adder der gleichen peinlichen sachen / Das  
er sich dann / mit viel lewten tzu solcher gericht  
vorderung beladen / vnd grosse vnnütze kost ges  
than / das dann gantz zu nicht dient / vn̄ viel sched  
lich ist.

Darumb wollen wir solchs / hynfür / nicht ge  
hapt haben / Orden vnd setzen / das nu hynfür zu  
solcher förderung / nymandts vber vier person für  
ren / noch bey yhme haben sal / zu den vnd vber die /  
der er zum rechten notdürfftigē ist / vn̄ mit densel  
bigen / Keyn andere zerung / dan so viel sie der not  
durfft halben / nicht vberig geseyn konnē / Würde  
sich aber ymandts vntersteen / vnd zu seyner forde  
rung mehr lewt führen / mit den ader sust vnnütze  
kost vn̄ zerung thun / die soll yhm von den tettern /  
ader antwortter / so die sache gericht / nicht gelegt /  
Sondern fall die selbs bezalen.

Wenn man ein  
nen totschlagē  
fordert / fall  
man nicht viel  
lewtē führen.

Es fall von nyemandts / was stands / wir  
den / ader  
D ij

Jagte

den / adder wesens / der adder die sindt / nwe hyn  
für / von fastnacht an bis auff Pfingsten / keyners  
ley wiltpret / Nasen / Hüner / vnd Wachteln / bysz  
auff Sandt Lorentzen tagk / nicht geiaget / gestelt  
vnd gefangen / Darzu fall vber Jar / keyn hwen /  
mit dem tuch / adder der kuwe gefangen werden /  
Wer das vberfaren erfunden würde / der fall dem  
der yhne dar vber betriht / adder das sust auff yne  
weist / eyn lagel Reynfall zu büsz gebē / so oft das  
geschicht / vnd darzu inn vnser sunderlich straff  
gefallen seyn.

Tewre zerung  
in den herber-  
gen.

Vnd als eyne grosse clage ist / das in vnsern  
landen bey gutter zeyt / in den Herbergen vber die  
masse tewre zerung ist / vnd das mancher Wirt /  
an eynem Scheffel hafern / vber zehen groschen  
gewynnet / zu Leyptzigk vber firtzehen ader funffz  
zehen / Desgleichen an Stroe vnd Haw / wo das  
also were / als wir des bericht sindt / vnd das sor  
ge haben / So were es ye zu viel.


Darumb so wollen wir gehapt haben / Or  
den vnd setzen / das nw hynfür / eyn Rathe eyner  
ytzlichen Stadt / darauff eyn auffsehen haben /  
vnd alle virtell iars / den Hastgeben / eyn satzung  
thun / wie eyn ytzlicher seynen gesten / eyn Maltzeit  
auch Hafer vñ Rauchfutter geben fall / do er seyn  
nen gesten vier adder funff Essen vnd bier zutrin  
cken darzu gibet / ader an getrencke / vnd was er  
an eynem Scheffel hafern / Desgleichen an stroe  
vnd haw gewynnen / fall / als sie das tzuallerzeyt /  
woll erkennen vnd abgenehmen können / wie sie  
die kost

die Post / auch das Futter tzu sich brengen vnd erzewgen können / vnd es also setzen / das der wirt / seyn gebewde / seyn bettegewant / gesynde / vnd anders // ders / das er der gesthalben darumb haben / vnd halden muß / vnd vor seyne sorge / abentwer / vñ mühe / eynen zymlichen gewin habe / als sie das alletzeyt woll zubedengken / vnd zutreffen haben / vnd darynne nichts nachgelassen.

Vff das solch vnser Ordnung / vñ satzung <sup>hantthabung</sup> <sup>diser Ordnung.</sup> inn allen vnsern landen / auffrichtigk / stete / vñ heste / vnd vnuorbrochenlich gehalten werde / So orden setzen / vñ gepieten wir / allen vnsern vndertanen / welchs stands / wurde ader wesens die sindt / das sie alle / vñ eyn ytztlicher inn seinē gericht / gepiete / vnd Ampt darob sein / das solch vnser Ordnung vnd gesetze in allen stucken / stete / vñ heste / vnd vñ vorbrochenlich gehalten / vñ das darynne zu keyser ner tzeit / nicht nachgelassen werde / Dann wo wir erfüren / das von den Prelaten / Brauen / herren / Ritterschafft vnd den Stedten / in yhren hereschafften vnd gepieten solchs voracht vbersehen vñ nicht gestrafft / So wollen wir die dinge selbs straffen / vnd den der es vbersehen / vnd nicht hat straffen wollen / vor den ansehen vñ halden / der vñ voracht / vnser Ordnung vñ satzung / auch dem fürstlichen wesen / vnd aller vnser Oberkeyt / gedecht abbruch zuthun / vñ vñne vor vnsern wiederwerttigen halden / vnd dermassen in vnser straffe nehmen / vñ zugedechnis diese vnser ordnung vnd satzung auff pergemen schreyben / vnd vnser Maiestadt Sigell / daran hengen lassen / vnd

der ytztlichen  
D ij

der ytzlichem vnsern lande / eyne gegebē / zu dem /  
das wirs allen Prelaten / Brauen / Herren / der  
Ritterschafft / den Steten / vnd vnsern Amptlews  
ten als das herkommen / vnd den wir in andern sas  
chen zuschreiben pflegen vnter vnsern Hertzogen  
Ernst pitzschier / des wir Hertzog Albrecht hirs  
zu / mit gebrawchen / zugeschickt haben. Heben zu  
Dresden / am Montage nach Quasimodogeniti.  
Anno dñi. M. cccc. lxxxij.




AK 101

X2205971

m.c





B.I.G.

Farbkarte #13

Centimetres



Ve  
101

...ng so Wer=  
...rnst Chur=  
...zog Albrecht zu  
...bruder ꝛc. von  
...ächerley gebre=  
...nn Landen  
...ffgericht.

20  
+ 82.

BIBLIOTHECA  
MICKAVIANI

LIBRARIAT-BIBLIOTHEK  
HALLE  
AM CARLO

Melchior Lotter 1526  
[vgl. HW Bd 8 S. 68]

